

〔山槐記〕治承四年二月廿七日己酉今日上皇○高尊號宣下如應德之例○白云々又御隨身事宣下
 云々左右大臣○藤原經宗藤原兼實被申所勞仍三條大納言實房奉行攝政基通於朝餉令書御畫給頭辨申
 沙汰此事云々

詔朕以童稚忝纂皇基承叅託以傳玉鏡似臨春水之薄在幼冲以撫龍圖如馭秋駕之節太上天皇澤
 覃四海化被八埏○聖智於胸襟之底鑒帝典於掌握口中爰撝謙無撓謝明德於禁闈之月遜讓惟深
 伴浮遊於汾水之波大矣哲后功成身退者抑禮有彝則國有舊章列代所照可以率由謹上尊號為太
 上天皇普告遐邇令知朕意主者施行

治承四年二月廿七日有御畫作者大內記業實清書少內記業昌

正二位行權大納言藤原朝臣實房宣奉勅仰左右近衛府以府生番長各一人近衛各三人宜為太上
 天皇御隨身者

治承四年二月廿七日大外記清原賴業奉○又見一代要記皇帝紀抄皇胤紹運錄皇代記皇年代略記

三月二日甲寅有上皇詔書覆奏事云々四日丙辰申斜有御報書事○中略

伏見去月廿七日詔書尊號為太上天皇者忽披綸誥已非素懷外乖傳國之策命內為當時之羈累夫
 謝漢庭而損尊唯樂汾水之洗心逐白雲而為伴何有紫泥之驚眼孝子善述父志新主豈違我言請照
 卑謙早停崇號

治承四年三月四日草不入日清書令書乘也

後日定長曰新主所草有闕字不平出定長問俊經卿答曰雖可平出如此讀連之時不平出之由所習
 傳也者仍清書之時同不平出太上天皇者依為御報書不可闕字之由所存也但書行上者

後聞定長清書加裏紙進之表清書之人加之主人加之問定長奏聞了返給於東對南孫庇大納言季隆
 裏之乍重檀紙二枚為懸紙又以一枚テ二枚ノ懸紙ノ端爾加之納筥如表筥以朴木作之有牙象龜